

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

Capvt XXIII. Mirabile diuinæ æquitatis & bonitatis, per lupos, auxilia facientis exemplu[m].

urn:nbn:de:hbz:466:1-45653

clarat. Philo ita loquitur : *Oportebat, quo magis elucerent meliora, quam deteriora produci à potentia bonitatis summa, quæ Deus est.*

Arcop. De
diu.nom c.8

S.Aug q.82.

ex 83 Ga-

zæus in suo

Theophras-

to. Philo l.2

Allegoriar.

C A P V T X X I I .

Mirabile diuinae aequitatis & bonitatis, per Lupos, auxilia facientis exemplum.

Quoniam superiore capite ex profano authore ostendimus, diuinam bonitatem, etiam in vulpe liberatrice, succurrentem, atque è barathro, sive Ceadâ educationem, addam hîc, quod ab homine fide digno, pio, docto, & verè Religioso, eóq; Societatis nostræ candidissimæ mentis sacerdote, ac sene audiui, quem meritò omnes ex Iouis tabulis testem dicebant esse potuisse, in quo dolus non erat, & in cuius ore non est inuentum mendacium. Is, cum aliquando nobis sermo, de varietate Dei homines ad Societatem nostram vocantis, incidisset, cum alto suspirio, mihi dixit, narraturum se admirabilem vocationem, stupendo modo, miserentis Dei, si ei præmittere velim, me nomen eius non interrogaturum, de quo historiam verisimili vellet recitare; nam & nomen sibi constare, & notum vivum; sed caussas esse, cur non proderet. E quibus dictis, aliisque rebus, quas de eo noueram, aliud conijcere non potui, quād illum ipsum esse, cui id euenisset. Præsertim quia sæpius postea rogavimus me, ut nomen & personam interrogandi potestatem faceret, ille ipse me longè vehementius rogauit, ne interrogarem: ut proinde visus sit mihi, malle Deo tacitura humilitate, quād apud homines vocatione prodigiosa notus esse. Quare, imitatione D. Ioannis Euangelistæ (qui & ipse, quæ de se refert, tanquam de tertio, solet commemorare) eum, cui ipsi omnia reliqua narrationi adiuncta quadrabant, in hunc ferè modum, & ordinentem, & perorantem, stitentissimis auribus, audiui.

I.

Adolescens erat, in terra Germania, non obscuris natalibus oriundus; neque opibus destitutus, si eum parentes pecunijs corrumpere voluissent. Sed illi alienis exemplis cautiores, cum eum, à se, ad studia litterarum amandarent, quia intelligebant, quād magnum sit vestigal parsimonia, bona frugi filium facere malue-

II.

maluerunt, quām comessatorem. Itaque scholas adeundi rerum necessariarū nihil deesse patiebantur, sed neque luxu diffluere sinebant. Sic factum est, ut breui, in scientijs & pietate, pari progressu, proficeret, desiderioque se magis perficiendi incensus animo circumspiceret, qua viuendi ratione potissimum posset etiam in alios olim scientias ac pietatem deriuare. Quia autem virtus illi placuit, mores primū seculi displicuerunt, mox ipsum etiam seculum desipuit. Statuit ergo animum conferre ad Ordinem aliquem Religiosum, in quo & bibliothecā vigerent, & morum disciplina non negliceretur. Itaque multarum Religionum statuta, leges, vestiendi & habitandi genus; sed præcipue Religiosos ipsos etiam atque etiam considerauit. Nec diu anceps stetit. Illorum se statuit vitæ addicere, quorum assueuerat doctrinæ; ratus nullos sibi esse perspectiores, quām quos in schola atque de cathedra noscere didicisset. Certa iam erat illi hæc sententia; & qui escebat animus, immo, nunc *Dij beati*, gaudens dicebat.

III.

Ceterū quis nescit cereas esse mentes adolescentium, præsertim cum nullum ducem directorem nū admittunt consiliorum? Nam sicut vites vmo non alligatae in terra iacent, & computrescunt ignauæ; ita etiam florentissimorum iuuenum animi, si non habeant, à quo erigantur, in fructus speratos non maturescunt: aut, quemadmodum excussa è silice scintilla, etiam in bonum foimitem incidens facile extinguitur, si flatu oris non soueat, ita ardentes hominum etiam proborum cogitationes diuino igne conceptæ citò vanescunt, si illis non detegantur, quorum ignito eloquio possunt in validam flamam promoueri, sed veluti cinere sepulta prunæ sepeliantur, & suffocentur. Itaq; & huic adolescenti euenit. Pasetis semiobolus dici poterat. Spem in flore fecit, in messe propemodum decepisset. Nam, vt sibi prudentulus videbatur, mentis suæ arcana quām secretissima habuit, consiliūque religionis ineundæ, neq; illi quidem, qui ei à sacris confessionibus erat, patefecit. Interim non defuere socij, qui in contraria omnia eum impellerent. Inuitabant ad hortos suburbanos, trahebant ad haustus frequentiores; inde ludo chartarum eum implicabant: tandem ad choreas ventum est, & pro virginibus Musis, virgines interpoles placuerunt. Sicut ventus nubes abslergit, ita deliciae omne Deo, in religione, seruendi consilium absulerunt. Iam saepius abesse lectionibus, morbos fingere, præ-

xere

xere; caussari occupationes, negligere res diuinās, nimium curare res humanas; emere chirotheculas, & sindones preciosas; cultius incedere, & in Nymphaeū cultus pecunias perdere, neq; libros quidquam pensi habere, denique aliis esse passim dicebatur.

Neque latebat hēc mutatio parentum vigilantiam, qui mirabantur, sumtus priores non sufficere, ad se rariū à filio litteras venire; earūmque loco varias vndique monitiones, suspiciones, querelas emergere. Igitur non dormiendum rati, gnatum vnicē dilectum ad alias Athenas migrare iubent., cum loco atq; socijs sperantes vitia quoq; deserturum. Et, vt seueritate terrorē inierent, viatici exiguitate puniunt. Viam igitur pedes, & solus ingressus, quā

Prominet Hercynie confinis Rhætia silue,
rectum quidem tenuit tramitem, sed opinione prolixiorē...
Itaque die destitutus, angī animo cœpit, & compendia, non sine dispendio quærerare. Sed nec in eo ipso dispendio diuina consilia defuere. Nam Deus accelerauit coruscationes emittere iudicij sui; & Eccl. 43.14.
errore errorem voluit corrigerē, vt anima illius in viam reduceret, cuius pes exorbitaret. Per inuia multa, per tēsqua densa, per paludosa, cæca illum nox duxit, molestissimis ambagibus, donec tandem, per rariora arborum, conspexit, nescio vnde, lumen quoddam allucere. Hominum habitationem inuenturum se ratuſ, sequi cœpit, quō radij inuitabant, tandemque difficulter eluētus ad magalia peruenit, in quibus existimauit, pastores cum pecoribus suis habitare. Adit, pulsat, sperat. Sed mox intelligit, ad Orcis ī ianuam delatum esse. Nam ad ostium, cum lumine, pgressa anus, vbi iuuenem vidit, haud illiberalem, misera periclitantis, illico facessere iussit, & aliò properare. Iuuenis inhumanitatem rusticæ Baucidis interpretatus, impensiūs rogare institit, vt id noctis admitteretur, promittens, se sine molestia mansurum, stramine aut fæno, in lecti vicem, contentum esse posse, & si quid panis aut offæ daretur, pecunia abunde compensaturū. Non est, mihi aiebat anus, quod ista excuses: mibi à te nullum metuo incōmodum; tibi, tibi metuo, cui certum est exitium, si hīc diuertis. Non sunt hæc pastorum mapalia, vt arbitraris, non colonorum casæ, sed immanissimorum latronum receptacula; qui, cum bona tua fortuna, nunc absunt, aurigæ insidiantes, quem eorum vnuſ, in pago proximo explorauit, hac nocte, transiturū. Iuerunt ergo

E e ad fu.

IV.

ad funestam homicidij tragœdiā, cui tu tuo exitio epilogum addes, si vel hīc permanseris, vel in eorum hinc abiens incideris crudelitatem. Dixit hæc anus, & flens iuueni, manum simul ac panem dedit, lachrymis testata dictorum veritatem. Sed, ut periculum declinaret, semitam ostendit, in diuersum à latronibus ducentem.

V.

Quid tunc animi fuisse desertissimo adolescenti putatis? Ibat solus, viam ignorabat, tempus erat nocturnum, magna siluae densitas & longitudo horrorem incutiebant; sola latronum formido ab itinere atque inedia fatigato pedes restaurabat; cui accessit creperum lumen lunæ iam iam se se supra terras attollentis. Viam igitur volare potius, quam ambulare coepit, timore pedibus alas faciente. Spatium iam sufficiens se existimauerat euafisse, cum repente animaduertit, euenisse sibi, quod sphærae per præcipitum volutæ solet contingere: ad calamitatem enim suam fuit celer. Nam in eos ipsos latrones, quos fugit, incidit, adhuc occisum aurigam terra adobruentes. Illi, siue quia, inter nocturna silentia, strepitum euntis perceperunt; siue quia per emissarios ac venaticos excubidores prædam odorati, exemplo iuueni manus iniecere. Frustra ille elabi, frustra innocentiam, frustra inopiam, frustra adolescentiam obtendere conabatur. Tanquam molossi Angli metuentem ceruam, cinxerunt, insolentissimisque clamoribus, veluti latratibus externarunt. Ibi mox prædonum unus, qui ceteris videbatur immanior, mutato sermone, fictitiaque lingua, & syllabis præpostere pronunciatis, ceteros adhortabatur, ut pecunia vestibisque detractis contenti, vitam tam tenerem donarent ætati: cui aliis mollem animum, & insulsam misericordiam approbrans dicebat: proditorem se dimissuros, si viuum dimitterent. Tertij consilium placuit, studentis, ut vacuum è curru dolium deiceretur, cui velut caueæ inclusa præda tantisper fineretur vivere, donec, cœna repleti, ad eum, cum ludo ac voluptate, ad plures mittendum reuerterentur. Hæc dum sua lingua dicerent, intelligi se ab adolescente non putabant. At ille inter æquales dum sic nugari didicerat: omnia proinde intelligebat.

VI.

Vix pedibus in eam sententiam iterant, cum illico dolium de curru, & adolescentis in dolio fuit. Discedunt ad latibulum suum latrones. Adolescentis in capulo, non in dolio se reperit, viuimusque sepultum credit. Et, vtinam, inquietabat sepultus essem, nec in liberam mihi auram prodeundum fore! Nihil metuerem, lanienam

Ianienam non expectarem, neque carceris mei angustias sentirem.
O quām crudeliter mecum ludent! ô per quot vulnera sanguis
exibis! ô quot sicas purpurabo! aut fortasse de tot aridis arborū
ramis ignem fuscitabunt, qui illis luceat, mihi ardeat? Certe im-
mania mihi minati sunt. Nihil tam crudele est, quod timerem non
possim ab ijs, quibus crux in desiderio; homicidia sunt in vol-
uptate. At quid parentes mei charissimi facient? vbi me querent?
Nulla vnquam Ceres pro sua Proserpina tam solicita fuit, quām
mea pro me mater erit: quæ si me reperire volet, ad Proserpinam
ipsam & generum Cereris debebit descendere. Sodales verò mei,
illi dulcissimi compotores, quò melorum deuenisse dicent?
Sed non curanda mihi est amplius fama, postquam actum est de vi-
ta. In singula momenta cultrum expecto, cur moror, quid de me
dicant homines? Hæc nox in æternam mihi noctem claudet lu-
mina. Vixisti, miser. Et, ut mortem magis sentias, in flore ætatis
tuæ, occubes. Huccine nascimur, ut pereamus? & destinimus,
postquam vix cœpimus viuere? ô spes inanæ! ô stulta mortalium
vota! destinatis, quid in senecta ætate facturi sitis, & in prima
iuuentute è vita exturbamini. Sed cur hæc fiunt? naturamne
accusabo, an Deum? neutrum merito possum. Natura me diu-
tius finaret vitam prorogare. Deus, sine quo, ne capillus quidem
de capite nostro perit, vtique caussam habebit, cur ita permittat.
Sine illius voluntate, ne passer quidem de tecto cadit; multò mi-
nus ego, sine illius nutu, in latrones incidi. Ita me magistri ab in-
eunte pueritia docuerunt. Qua verò id permisisse de caussa pu-
tem? Dudum memorie iussus sum mandare aureum illud dictum:
Non iudices contra iudicem: quoniam secundum quod iustum est, iudi- Eccli. 8. 17.
cat. Cur igitur hanc meam calamitatem justam esse putem? Lusi?
sed permissa est adolescentibus honesta relaxatio. Potaui? sed
semper, citra ebrietatem. Multa puellis donau? sed mea erant,
sed non memini, limites honesti me transfilijse.

Hæc talia omnia, cum infra miseriae suæ meritum esse exi-
stimaret anxius adolescentis animus, tandem, velut orta luce, cla-
rius videre cœpit fundum totius calamitatis. Nam meminens, se
antehac à Deo vocatum ad Societatem Iesu ingrediendam, appli- Luc. 9. 62.
cataque ad aratum manu, retrò respexisse, enim uero etiam pro-
cul resiliisse, illico in has voces erupit. Ah video, Domine, quid in
me plecas. Contempsi te: hinc reus sum. Extendisti & porrexisti
mihi

sti mihi manum, non aspexi. Annusti, tenui. Habuisti, deserui. Præter æquum igitur nihil facis, si deseris desertorem, & vitam mihi abscindis illam, quam tibi viuere negauit. Hoc dudum, prædixisse te, audiui. Tua enim sunt illa: *Quia vocavi, & renuisti: extendi manum meam, & non fuit qui aspiceret. Despexitis omne consilium meum, & increpationes meas neglexistis. Ego quoq; in interitu vestro ridebo, & subsannabo, cum vobis id, quod timebatis, aduenerit. Cum irruerit repentina calamitas, & interitus, quasi tempestas ingruerit: quando venerit super vos tribulatio & angustia: in quali ego nunc sum. Suscipiam igitur, quod merui, & qui religiosè nolui viuere, conabor saltem religiosè mori: & dum spiritus supereft, inconstiam meam non desinam plangere; peccatāque, quæ lachrymis nequeo delere, sanguine ac nece lubens expiabo.* Dixerat hæc calentibus verbis adolescens, cum ei in mentem venit, non ita ad extremum omnia ducta esse, vt Deo non supersit modus succurendi. Subibat, è medio leonum lacu, Danielem, ex incendio Babylonico, tres pueros; ex ipsis ceti visceribus viuum atque incolumem Ionam Propheten eductum esse. Occurrit & illud: *Do minus mortificat & viuiscitat: deducit ad inferos, & reducit. Hinc spes illi accessa, hinc oratio in hunc ferè modum effusa est: Cum angustiaretur in me anima mea, Domini recordatus sum: ut veniat ad te oratio mea. Itémque: Viuet anima mea, & laudabit te: & iudicata tua adiuuabunt me.*

*Moxque voto se obstrinxit, in proximo Societatis domicilio, si ferale illud claustrum manūsque sanguinarias euasi-set, petiturum, vt in album Sociorum recipetur; addiditque illud Propheticum: *Quaecunq; voui, reddam pro salute Domino.**

VIII.

Vouerat, & extemplo serenitas menti reddita est, nondum etiam cognita securitate. Erat tunc non sine luna cœlum, & perso cupæ radij clariores in captum incidebant. Ea dolij apertura, pro fenestra, vsus, ad luporum accurentium vulturatum excitatus prospexit. Ibi nouus eum horror inuasit, nam complures vidit, lupos dolium vndique, in omnem partem, circumeuntes, & naribus hariolantes, quid intus esset. Cœnam nimirum famelici, ex odore, indagabant. Ibi demum cœpit iuueni carcer suus esse charius, cuius effractores nolebat esse lupos. Sed intelligite potentem Dei sapientiam atque bonitatem. Quàm ex exiguo malo ingens procurat bonum? Ex metu iocum, ex ioco quantum attulit beneficium? Dum lupi circa dolium susque déque vagantur, casu-

sūne dicam, an diuina manu, vnius appendiculae summitatem, pēt
os vasis, immersit, cāque faciem adeō ipsam intus prospectantis
leniter demulxit. Ibi, seu natura, seu bonus potius, Genius sug-
gessit, exemplo iuuenis palpum vtraque manu artipit, cāudām-
que lupi omnem, aduersis pilis, intro ad se trahit, ante interitum
suum, vltimō lusurus. Lupus vbi se captum sensit, primō horren-
dūm cāpit viulare; ad quam vocem ceteri omnes in fugam se
dederunt; deinde conari institit, an se possēt ē vinculis liberare.
Lepidum etat, funesto tempore, certamen, hinc lupi trahentis,
inde retrahentis adolescentis, lupūmque, quanta maxima vi po-
terat, tenentis. Bestia, quō magis se se astrictam colliga-
tāmque animaduertebat, cō magis nitebatur in contrarium euā-
dere; tantōque impetu ferebatur, vt dolium ipsum, vna cum suo
incola, post se, ad abruptum aliquem faxosūmque locum raperet.
Ridebat intus vector, mirabatūrque, tam citō ē cupa rhedam esse
factam, & ex victima aurigam. At vbi, acto, per præceps, & lupo,
& dolio, impactōque identidem in scopulos, ac tandem etiam
rupto solutōque vase, se in auras editum vedit, lupum manu misit,
qui, libertate accepta, ne respiciens quidem, diffugit.

Adolescens autem in pedes pariter & spem euadendi ere-
ctus, per auia & inuia, se quām longissimē inde proripuit, inter-
currendum, Deo laudes dicere non oblitus, sed illud, aut aliud
quid simile identidem usurpans: *Clamavi de tribulatione mea ad Dominum, & exaudiuit me: de ventre inferi clamaui, & exaudiisti vocem meam. Abieci sum à conspectu oculorum tuorum: veruntamen rursus video templum sanctum tuum.* Nam, quod voui, exequar, non executurus, nisi me in extreum discrimen coniectum sapere docuisses. Nullus enim inquam Diogenes, in dolio tam utiliter est Philosophatus. Hæc ærurna mea, fuit schola tua. Maxima gratia fuit, in latronies incidisse; illi me ex laqueis diaboli, ex ipsis incendijs inferni, eripuerunt. *Cognoui, Domine, quia æquitas iudicia tua: & in veritate tua humiliasti me.* Hæc angustia cor meum dilatauit. Hæc nox mentem meam illuminauit. Proximus morti, didici viuere. Viuam, & vt tibi viuam, Domine, Mundo moriat. Hæc talia, per totam noctem, cum Deo, & secum est locutus, dié que redditia, aliò, quām priùs iter instituit. Nam ad proximum Societatis Collegium profectus, admitti in tirocinium flagitauit. Admissus est, & in religione constanter viuens, Deo, pro tam mi-

IX.

Ion. 2.3.

Psal. 118.

E e 3 rabili

rabili vocatione, nunquam se satis esse gratum posse, agnouit; vt qui eum, per errorem siluæ, in viam salutis; per captiuitatem, Lupi, in libertatem; per latronum pericula, ad veram securitatem reduxisset. Dubium non est, latrones postea, ad iuuenem è custodia eximendum atque contrucitandum reuersos capere non potuisse, quibus alis, dolium è loco suo auolari: cum ne vespertilio quidem, qui sine plumis volat, volet sine alis^z.

X.

Psal. 67. 36.

Eccli. 11. 4.

Sap. 10. 17.

Ludou. Richom. in

Peregrino.

Lauretano.

cap. 147.

Iob. 9. 10.

Isa. 12. 4.

Psal. 104. 2.

Scio consuetum multis, vt Tellenis cantilenas canant, qui vtiq; hanc à me narratam historiam dicent, esse pulchram fabulā. Cum illis non contendam. Suo nimurum pede alios metiuntur: nam cum ita se gerant, vt nemo illis possit credere, etiam ipsi credunt nemini. Qui autem norunt, quām sit mirabilis Deus in sanctis suis, diuina opera, nequaquam humanis iudicijs temerant, sed suspiciunt ac venerantur dicentes: *mirabilia opera Altissimi.* Qui & alios complures deduxit in via mirabili. Nam prope simillimam historiam prolixè describit Ludouicus Richeomus; de Tristano, qui itidem priùs in latronum manus incidit, quām numerum Mundo remitteret; immo præsentiori periculo creptus est. Etenim Vincentius, Theodosius & Lazarus eum repererunt, in silua, sub ingenti & procerā queru, solo iudicio tectum, terre porrectum, & instar eorum, qui rotæ supplicio afficiuntur, palis quatuor alligatum, ac lupum manu tenentem, qui eum, cum alijs quatuor, deuoratus erat, nisi diuinitus eruptus fuisset. Historiam curiosè iucundam, cum & longa sit, & author in manibus habeatur, piget exscribere. Sufficit, quod ego narraui, exempli similitudine confirmuisse; ciūisque bonitatem laudauisse, qui facit magna, & incomprehensibilia, & mirabilia, quorum non est numerus; illique paruisse, qui ait: *Confitemini Domino, & invocate nomen eius: notas facite in populis adiuentiones eius. Cantate ei, & psallite ei; & narrate omniamirabilia eius:* neque aliquid fortuitum vocate, si in casum inopinatum inuoluamini; sed agnoscite hominis casum, Dei esse consilium; Fortunam mortalium, Numinis aut gratiam aut pœnam; stultorum denique Fata, non esse, quod ipsi fingunt, tollentia, sed punientia malè usurpatam peccantium libertatem. Neque enim in casibus humanis *Fortuna aut Fatum,* sed diuinæ Prouidentiæ iudicia dominantur,

CAP. XXIV.